



Trg Robertsa B. Owena 76100 Brčko distrikt Bosne i Hercegovine, Telefon: +387 49 490-013, Faks: +387 49 490-020.
Трг Робертса Б. Овена 76100 Брчко дистрикт Босне и Херцеговине, Телефон: +387 49 490-013, Факс: +387 49 490-020.

Broj predmeta: 13-000402/24
Broj akta: 01.1-1528ZN-018/24
Datum, 29. 2. 2024. godine
Mjesto, Brčko

Na osnovu člana 17. stav (2) Zakona o Vladi Brčko distrikta Bosne i Hercegovine („Službeni glasnik Brčko distrikta BiH”, broj: 27/23 – prečišćeni tekst), člana 8. i člana 70. Zakona o javnim nabavkama BiH („Službeni glasnik BiH”, broj: 39/14 i 59/22), člana 4. stav (1) Pravilnika o postupku dodjele ugovora o uslugama iz Aneksa II Zakona o javnim nabavkama („Službeni glasnik Bosne i Hercegovine”, broj: 2/23) i Izvještaja o analizi, ocjeni i rangiranju ponuda od 20. 2. 2024. godine, gradonačelnik Brčko distrikta BiH donosi

ODLUKU O IZBORU NAJPOVOLJNIJEG PONUĐAČA

Član 1.

U provedenom postupku po posebnom režimu iz Aneksa II Zakona o javnim nabavkama BiH za nabavku usluga organizacije obilježavanja Dana Distrikta za 2024. godinu – (Koncert Halida Bešlića) za potrebe Ureda gradonačelnika, Sekretarijata Vlade – Sektora za informisanje, izabran je najpovoljniji ponuđač kojem se dodjeljuje ugovor.

Naziv najpovoljnijeg ponuđača je: **AGENCIJA „APPLAUSE”, vl. Muzaferija Amina, Visoko.**
Vrijednost ugovora s uračunatim PDV-om iznosi **99.815,63 KM.**

Član 2.

(1) Vrsta postupka je postupak javne nabavke s ugovorom na čiju dodjelu se primjenjuje poseban režim (član 8. i Aneks II Zakona o javnim nabavkama BiH).

(2) Postupak je proveden na osnovu Odluke o pokretanju postupka javne nabavke, broj predmeta: 13-000402/24, broj akta: 01.1-1528ZN-003/24 od 8. 2. 2024. godine, Javnog poziva za nabavku usluga obilježavanja Dana Distrikta za 2024. godinu (Koncert Halida Bešlića) broj predmeta: 13-000402/24, broj akta: 02-1533ST-0006/24 od 9. 2. 2024. godine i Izvještaja komisije o analizi, ocjeni i rangiranju ponuda broj predmeta: 13-000402/24, broj akta: 01.11-1247AM-009/24 od 20. 2. 2024. godine specifikacije usluga i ponude najpovoljnijeg ponuđača.

Član 3.

Sredstva za finansiranje navedene nabavke su osigurana u Budžetu za 2024. godinu, organizacioni kod 11020001, ekonomski kod 613900.

Član 4.

Ova odluka stupa na snagu danom donošenja i bit će objavljena u „Službenom glasniku Brčko distrikta BiH”.

Obrazloženje

U skladu s članom 4. stav (5) Instrukcije o organizaciji i internom postupanju u postupcima javnih nabavki u Brčko distriktu BiH („Sl. glasnik Brčko distrikta BiH“, broj 3/23) Komisija za javne nabavke u Uredu gradonačelnika je s otvaranjem ponude dana 20. 2. 2024. godine konstatovala da je ponudu dostavio jedan ponuđač. Pristupilo se analizi i ocjeni dostavljene ponude – predračuna u skladu s uslovima utvrđenim Javnim pozivom za nabavku usluga obilježavanja Dana Distrikta za 2024. godinu (Koncert Halida Bešlića). Komisija je na osnovu uvida u dostavljenu dokumentaciju sačinila Izvještaj o analizi, ocjeni i rangiranju ponuda, broj: 13-000402/24 od 20. 2. 2024. godine i istim konstatovala da je ponuđač dostavio traženu dokumentaciju – rješenje o registraciji i obavljanju djelatnosti, te da je iznos naveden u predračunu – ponudi u okviru procijenjene vrijednosti date u Odluci o pokretanju postupka za predmetnu nabavku, odnosno da je prihvatljiv. Komisija je dala preporuku o izboru najpovoljnijeg ponuđača – AGENCIJA „APPLAUSE“, vl. Muzaferija Amina, Visoko, čija je vrijednost ponude 99.815,63 KM s uračunatim iznosom PDV-a, odnosno 85.312,50 KM bez uračunatog PDV-a.

POUKA O PRAVNOM LIJEKU: Protiv ove odluke zainteresovane strane imaju pravo žalbe ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 30 dana od objave obavještenja o dodjeli ugovora.

DOSTAVLJENO:

1. Kabinetu gradonačelnika (x2),
2. Odjeljenju za stručne i administrativne poslove
- Pododjeljenje za javne nabavke,
3. Glavnom koordinatoru Vlade,
4. Izabranom ponuđaču,
5. „Službenom glasniku Brčko distrikta BiH“,
6. Evidenciji,
7. Arhivi.

